

KUTIPAN HASIL SEWAAN PAJAKAN LOJI RINTIS PENGOLAHAN DAN PENGELUARAN RANGSUM TERNAKAN

Lembaga Minyak Sawit Malaysia
Kementerian Perladangan dan Komoditi

Perkara Utama

Apa yang diaudit?

- Kutipan hasil sewaan pajakan Loji Rintis Pengolahan dan Pengeluaran Rangsum Ternakan di Stesen Penyelidikan Lembaga Minyak Sawit Malaysia (MPOB) Keratong, Pahang.

Mengapa ia penting untuk diaudit?

- Untuk menentukan sama ada kutipan hasil sewaan pajakan Loji Rintis Rangsum Ternakan dilaksanakan dengan teratur mengikut perjanjian dan peraturan kewangan yang berkuat kuasa.

Apa yang ditemui Audit?

- Secara keseluruhannya, hasil sewaan pajakan Loji Rintis Rangsum Ternakan gagal dikutip mengikut perjanjian yang ditetapkan dan loji rintis tidak dimanfaatkan bagi tujuan penyelidikan untuk menghasilkan makanan ternakan berasaskan sumber sawit secara komersial. Terdapat kelemahan ketara dalam kutipan hasil sewaan pajakan Loji Rintis Rangsum Ternakan menyebabkan hasil tidak dikutip berjumlah RM600,300 dan telah dihapus kira. Kelemahan yang perlu diambil perhatian adalah seperti berikut:
 - hasil sewaan pajakan tidak dibayar mengikut tempoh ditetapkan;
 - pindaan perjanjian bayaran balik tunggakan sewaan pajakan tidak dibuat; dan
 - penamatan perjanjian sewaan pajakan lewat dibuat selama 36 bulan.

Apa yang disyorkan Audit?

- Pihak Audit mengesyorkan perkara seperti berikut:
 - pihak pengurusan MPOB perlu menetapkan mekanisme dan membuat pemantauan yang rapi serta mengambil tindakan

penyelesaian lebih awal mengikut tempoh yang ditetapkan dalam perjanjian bagi mengelakkan kehilangan hasil; dan

- memastikan setiap hasil sewaan dikutip mengikut tempoh yang ditetapkan selaras dengan klausa perjanjian dan menyediakan prosedur operasi standard bagi kutipan tunggakan hasil.